

Թագաւորն Լեհաց Ստեփանոս Պատօրին՝ յամի 1579 հաստատէ. սրովհետեւ Հայք յայնժամ չէին հնազանդեալք Ս. Աթոռոյն Հռօմայ։

1562. ՌԺԱ. ԶԳրիգոր արքեպիսկոպոսն Լէօպօլսի Հայոց՝ Սիկիզմունտ Աւկուզդ Թագաւորն Լեհաց, յայսմ ամի յուլիսի 25, հաստատէ յեպիսկոպոսութիւն, ընդ բոլոր Թագաւորութիւնն Լեհաց, յատկապէս յիշելով զքաղաքսն, զԼէօպօլիս, զԿամէնից, զՔիւիւ, և զայլն. զոր կերպն հաստատութեան և այլ յաջորդք սորին ընկալան ի Թագաւորացն՝ մինչեւ ց/իկողպոս Թորոսովին։ Սա զդատաւորսն Լէօպօլսեցիս՝ որք զքահանայքս ընդդէմ կամաց նորին դատէին և ի հոգեւոր իրա հակառակին նմա, կոչեաց ի դատ՝ առ նոյն Լեհաց արքայն, որ յամի 1569 վճռեաց, զի դատաւորքն ի հոգեւոր իրաւունսն բնաւ մի խառնեցցին, և զայլ բազում ինչ՝ զոր թողումք։ — Կոնտակ։

1568. ՌԺԷ. Գրիգոր արքեպիսկոպոսն Լէօպօլսի թողեալ զաթոռն վասն հերձուածողութեան և հակառակութեան ժողովրդոցն՝ երթայ յԵրուսաղէմ, և անտի ի Հռօմ. որպէս ցուցանէ Երուսաղէմայ զօմիսարն ճանապարհաւ գիրն, յամի 1568. որպէս գրէ Եզու եւ Connet.

1577. ՌԺԶ. Թադէոս կաթողիկոսն Էմիաժնի՝ փախստական ի պարտոց՝ գայ ի Կամէնից, ուր յայսմ ամի հաստատէ աւագերէց զՏէր Յօհաննէսն, և ի միւսում ամի երեսփոխան՝ զպարոն Միխնոյն. տալով սմա իշխանութիւն ի վերայ քահանայից, եւս և հոգեւոր իրաց. որ է ընդդէմ սուրբ կանոնաց եկեղեցւոյ։ — Կոնտակ։

1579. ՌԺԸ. Պարսամ արքեպիսկոպոսն Լէօպօլսի Հայոց՝ էր Տրապիզոնցի, Աստուածատրոյ որդի, որ յայսմ ամի յունիսի 12, ի Թագաւորէն Լեհաց Ստեփաննոսէ Պադօրէն հաստատեցաւ յառաջնորդութիւն Հայոց, — զի յառաջ ընտրեցաւ ի Լէօպօլսեցւոց, — և հոկտ. 25, ընկալեալ և ի Կամէնեցւոց, արար զսովորական դաշն ընդ նոսա։ — Կոնտ. Կամեն. ի Կոնտակ։

1582. ՌԼԱ. Պարսամ եպիսկոպոսն կենդանի էր յայսմ ամի։

1598. Յովհաննէս Բ, Սեչովու և Պուղտանայ եպիսկոպոսն՝ ի պարապել աթոռոյն Լէօպօլսի՝ նստի ընդ սուղ ժամանակ արքեպիսկոպոս նորին. որպէս ցուցանեն հոգեւոր ատենագիրքն Կամէնիցու՝ յայսմ ամի, և թուղթք Մեքիսեղեկ կաթողիկոսի։ — Կոնտակ։ — Սմին յետոյ յաջորդեաց Կարապետն։

1606. ՌԾԵ. Տէր Կարապետ արքեպիսկոպոս Լէօպօլսի Հայոց. — ոչ կարացաք գիտել թէ ուստի էր, -- ուլիսի 2, ի Կամէնեցւոց ընտրի առաջնորդ, որպէս ի Լէօպօլսեցւոցն էր ընտրեալ. բայց զհաստատումն նորա Թագաւորական՝ ոչ գտաք։ Զկնի մահուան սորա նստի արքեպիսկոպոս Տէր Մեսրոպ եպիսկոպոսն. զի գտանի ի Կամենից օրինակ ինչ Թագաւորական հաստա-